

## Ugovor

**o nabavci, isporuci i montaži automatskog dvokrilnog portala za ulaz u zgradu KJU "Dom za socijalno zdravstveno zbrinjavanje osoba sa invaliditetom i drugih osoba"**

Zaključen dana 15.05.2019. godine u Sarajevu između

1. **Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba"** sa sjedištem u Sarajevu, Nahorevska 195, koju zastupa direktorica Sanita Alagić dipl.ecc / u daljem tekstu: **Naručilac** / i
2. **"HANO" doo Sarajevo** sa sjedištem u ulici Vlakovo broj 366, Općina Ilidža kojeg zastupa direktor Nahid Hasanbegović / u daljem tekstu: **Dobavljač** /

### I. UVOD

#### Član 1.

Na osnovu provedenog postupka javne nabavke – konkurentski zahtjev za dostavu ponuda – **nabavka isporuka i montaža automatskog dvokrilnog portala**, Ugovorni organ je Odlukom broj: 26-716-2/19 od 09.05.2019.godine odabrao ponudu Dobavljača broj 165-H/19 kao najbolje ocjenjenu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

### II. PREDMET UGOVORA

#### Član 2.

Predmet ugovora je nabavka isporuka i montaža automatskog dvokrilnog portala prema tehničkim karakteristikama i zahtjevima ugovornog organa u provedenom postupku javne nabavke iz čl. 1. ovog Ugovora.

Ponuda dobavljača broj: 165-H/19 u kojoj su iskazane tehničke karakteristike iz stava 1. ovog člana je sastavni dio ovog Ugovora.

### III. CIJENA

#### Član 3.

- Ukupna vrijednost ovog ugovora (bez PDV-a) iznosi : 7.786,00 KM,
- Popust iznosi: %
- Ukupna vrijednost ugovora (bez PDV-a) i sa uključenim popustom iznosi: 7.786,00 KM,
- PDV (17%) iznosi: 1.323,62 KM,
- UKUPNA VRIJEDNOST/CIJENA (sa PDV-om) iznosi: 9.109,62 KM

U cijenu ulaze i troškovi isporuke i ugradnje na adresi sjedišta Naručioca.

Dobavljač se obavezuje na nepromjenjivost ponuđene cijene.

#### **IV. NAČIN PLAĆANJA**

##### **Član 4.**

Naručilac se obavezuje da će izvršiti isplatu ukupnog iznosa, iz člana 2. ovog Ugovora u roku od maksimalno 30 dana od dana izvršene isporuke i montaže a na osnovu ispostavljene fakture.

#### **V. MJESTO IZVRŠENJA**

##### **Član 5.**

Dobavljač se obavezuje da će portal iz člana 1. ovog Ugovora isporučiti i montirati u poslovnom objektu Naručioca ul. Nahorevska broj 195. Centar, Sarajevo u roku od 7 (sedam) dana od dana potpisivanja ovog Ugovora.

#### **VI. OBAVEZE DOBAVLJAČA**

##### **Član 6.**

Dobavljač se obavezuje da će ugovorene robe isporučiti i ugraditi u skladu sa tenderskom dokumentacijom, prihvaćenom ponudom i ovim ugovorom.

Dobavljač garantuje da će isporučeni automatski dvokrilni portal koji je predmet nabavke iz ovog Ugovora biti nov, neupotrebljavan i originalan i kao takav ugrađen u objektu naručioca.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

#### **VII. OBAVEZE NARUČIOCA**

##### **Član 7.**

Naručilac se obavezuje da ukupnu vrijednost ugovorenih roba iz člana 2. ovog Ugovora, isplati na način i u roku iz člana 3. ovog Ugovora.

#### **VIII. GARANTNI ROK**

##### **Član 8.**

Dobavljač garantuje da kvalitet isporučene robe i radova odgovara traženim zahtjevima, a garancija iznosi minimalno 12 mjeseci, računajući od dana isporuke i montaže.

Unutar garantnog roka dobavljač se obavezuje da će o svom trošku u roku od 7 (sedam) dana od dana prijema pisanog obavještenja sa reklamacijom otkloniti bilo kakve smetnje.

**IX. PRELAZNE I ZAVRŠNE ODREDBE**

**Član 9.**

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovorajuća odredba Zakona o obligacionim odnosima.

**Član 10.**

Ugovor je sastavljen u 4 / četiri / istovjetna primjerka, od kojih se ugovornim stranama uručuje po 2 / dva / primjerka.

Ovaj ugovor stupa na snagu danom obostranog potpisivanja

**NARUČILAC:**


**Kantonalna javna ustanova  
„Dom za socijalno zdravstveno zbrinjavanje  
osoba sa invaliditetom i drugih osoba”**

  
**Sanita Alagić dipl.ecc , direktorica**

Broj: 26-729/19

**DOBAVLJAČ:**

**„Hano” doo Sarajevo**

  
**Direktor – Nahid Hasanbegović**

Broj: 009-011/19

